

519 Doch engez wîvelte nie sîn wille.

diu kûneginne Secundille,  
die Feirefiz mit rîters hant  
erwarp, ir lîp unt ir lant,

5 diu hete in ir rîche

hart unlougenlîche  
von alter dar der liute vil  
mit verkêrtem antlützes zil;

sî truogen vremdiu, wilden mâl.

10 dô sagete man ir umbe den Grâl,

daz ûf erde niht sô rîches was  
unt des pflæge ein kûnec, hiez Anfortas.

daz dûhte sî wunderlîch genuoc,  
wan vil wazzer in ir lant truoc

15 vûr den griez edel gesteine.

grôz, niht ze kleine,  
hete sî gebirge guldîn.

dô dâhte diu edele kûnegîn:

»wie gewinne ich kûnde disses man,

20 dem der Grâl ist undertân?»

Sî sant ir kleinæde dar,

zwei mensch wunderlîch gevar,

Cundrien unt ir bruoder clâr.

sî sante im mêr dennoch vûr wâr,

25 daz niemen mōhte vergelten;

man vûndz veile selten.

Dô sande der sîeze Anfortas,

wander êt ie vil milte was,

Orgelusen de Logrois

30 disen knappen kurtois.

enzwîvelte \*T (nur TO)

unde es (sin I) pf. \*G (nur G)

e. steine. \*T (nur T)

Versfolge 519.30–29 \*T (nur TU) · O. de (der O) Logrois. \*T

d. kn. kurtois \*T

---

\*D: D \*m: m \*G: G I L Z \*T: T U V O

---

1 Initiale D G I L Z O · Majuskel T 13 Initiale T U 21 Majuskel D 23 Initiale I 27 Majuskel D T

---

8 antlützes] antlitze ([antl\*]: antlitze V) \*m (V) 11 daz ûf erde niht (nit nit m) sô rîches was, \*m 12 unt des] des (Der m) \*m 25 möhte] mohte D